

JIN SAVAYEKA BÊDIDAN E



Amîna Zikrî
Amina_zikiri@yahoo. Com

Bindestiya jinê û arestekirina neyeksaniyê û cudakariyên civakî û aborî wek emrekê xudayî û felsefeya hebûna hemû diyaneta ye her jinek Hewayek e û dergehê cehenemê ye. Êkem gunehkar û jêderê gunehê bo zelumê û serpêçker ji yasa û ehkamên îlahî jin e!!! bizava jinan ji encam û rengivedana çewisandina wan di qonaxa dewleta ayînî ya kenîsê li rojavayê seriheldaye û bûye êk ji rewî û arastekirina bi îlmanîbûna civakî û dewletê di Ewropayê de û di gel çewsandin û geşekirina qonaxa dewleta îlmanî di gel destkevtên aborî, siyasî, yasayî,

komelayetî û kilturî bo jinan kom vebûye û ji hemû layekê ve guhorînên mezin bi berjewend û sûda wan bi ser de hatî ye.

Di sedeya naverastê de, desthelata kenîsê du mîlyon jin li jêr navê sahîre, ji belku jî ew sinorên kenîsê bo danayin derikevtibûn, bi eşkencedanê û kêşana nûnîkên wan û daxikirina sîngê wan û bizimarikirina leşê wan bi tepên darî ve û bi saxî, di nav agirî de, disotin.

Hene ta îro nexweşiya hizrî a gelek kesan ji beyana sinordarikirina jinan û çarçûvekirina têgehê azadiyê, di civakên îro de, digevizin da ku bişên dubare jinê bo paş çend sedeyên borî bizivirînin û bo kar dikin. Di hemû diyanetan de, jin divêt berî şûkirinê guhdara babê xwe û piştî şûkirinê yê hevjinê xwe û piştî mirina mêrî yê kurê xwe be. Di edebiyatên mezhebê Hindî di, sedê (17) ê de, jin bi çend giropan dabeş dibûn: Xizmetkar, kerê pezî, nezantirîn giyandar û giropê dûmahiyê bi tinê bo qutanê dihate hejmartin. Di piraniya mezheban de, zelum xudanê jinê ye û jin nemirov e, belkû bi tinê deyka zarokên zelumî ye, dayik jî bi ramana çêkirin bûna zarokî û şîrdanê ye û jin jî ne bo zarokên xwe, belkû bo zelumî vî karî dike. (Martin Lotir) rêberê Pirostanîsim sebarett jinê dibêje: ((Aşikiraye, jin

giyandareka jin ji zelumî cuda ye û kêmaqiltir û bê hêztir e wekî heyivê ku beranber rojê tarîktir û nizmtir e, jinê ji bilî du memkên biçûk û ranên mezin çu tiştên dî nîne û divêt maldariyê bike û çu karên berihemdar neke û zarokan mezin bike)). Pilato supasiya xudawendan dikir ji ber heşt tiştên bi xêr ku nedayînê, ya êkê ew e ku azad hatiye afirandin ne êxsîr, ya duyê mêr hatiye afirandin ne jin.

Di mezhebê Hindî de jin di demê bênivêjîyê de paqij nahête hejmartin û ji her cûne peywendiyên civakî bi taybet di gel zelumî dihate dîrêxistin, noke. di nav hindêk civakan de eger jin di wî sereberî de be ji çêkirina xwarinê, bişkdarîkirin di rê û resmên civakî û xêzanî û mezhebî de dihêne qedexekiriye.

Di Inicîlê de jin remzê gunehê ye û ew e ku mirin bo vê cîhanê înyayê û berî roja qiyametê û dadiwerîkirinê, anku hêšta dadgeh nebûyî a mehkome!

Di demekê de ku jin ji helbijartina azad û hoşyaran e ya hevjinî ya bêbehr bûye, bo zelumî heye ji belku xwe (ji guneha ku egera wê jin e) biparêz e di gel hejmareka berçava jinan bi mercekê ku bi hevbesta mezhebî. peywendiyên di gel de hebe û Îslamê ew şanazî ye di çarçûveyê xwe de hilgirtî ye ku zelumî mafê (4) jinan bi resmî hebe û ev ji bilî hindê ku dişê bi arezûya xwe hejmareka zêde ya neresmî ya jinan hebeş! Di bawera mêşkên nexweş de, jin her dem zaroyek e û çu caran didan nabin û meidê wê şiyânên xwarinên giran û xweş nîne û mirovek a bê

mesuliyet û lawaz e. Di piraniya mezheban de, jin bo xweşiya zelumî hatiye afirandin û xudanê wê zelum e û divêt li bin çavdêriya zelumî ve be çunke ya nefam e û ne xudan îhsas û soz e û divêt jin di xizmeta zelumî de be û zelum ji jinê bi şiyantir e bi behaneya mafê (qewamê) ku divêt zelum berdewam biriyarê li ser bide û mafê rêveberatiyê heye û bi îzna wî mafê destkarî di serwet û samanê wî de nîne, anku jin aletek e di destê zelumî de û bo wî heye ku bi arezû û heza xwe serederiyê di gel de bike.

Mafên jinê û yeksaniya wê di gel zelumî çu caran di gel nêrîn û hizra mezhebî û çu diyanetan di nav civakên mirovatiyê de heyî êk negirtî ye, ji ber hindê êk ji stûnên azadiya jinê azadî û rizgariya wê ji stem û cehla mezhebî û dînî ye û îro karkirin û bizava jinê di Kurdistanê de divêt cudayî ya dînî ji dewletê û perwerde û xwandinê be û dîn bibe babetek taybet, di navbera kesî û xudê de û ji hemû aliyên siyasî civakî, rewşenbîrî, aborî, kulturî, zanistî xwe pêş bêxe û bo mîkiyackirina îdaratan û zelumên xwenîşander bo mafên jinê bi kar neyne (ser xwe qebûl neke) jin mirovek a xudan şiyan e lê derfet nebûye û azadiya wê azadiya civakiye.

Têdîtin:

Mifa ji întirintêtê hatiye wergirtin.